

夏生齋詩集

卷五之六



07685

更生齋詩卷第五

陽湖洪亮吉著

箬嶺授經集

勵志詩三十首

獨木可製棟乃反裁作橋獨木之橋心焉搖搖獨木可
立柱乃反刳作舟獨木之舟或沉或浮

天形不知以農爲師地圖或溷引商參問欲知古詢及
賈欲通俗訪及僕

羅網待物不擇飛走資格縛人不問賢否

慢神無福諂亦如之不慢不諂是爲得之學佛無益毀
佛無損不佞不毀達人所允

更生齋詩卷第五

萬燈雖明不敵一星九流雖精不敵一經星晶瑩海宇
甯經習熟治術足

莽佐飲菸佐食腸浸滯口呼吸一火攻一水厄消肌膚
鑠精液

一家飢寒擾及里鄙四民飢寒憂及君相

靈狐狺狺善惑世人神祠穴久不媼土偶林禽剪舌巧
過百物有法制之禦以木訥

身欲死藥不靈心欲死語不經語不經神殛之藥不靈
鬼殺之

我欲上天祇憑一梯天之高高梯則已低我欲渡河祇
結一壺河流湯湯壺不可泝

以力養人力懼不展以心養人活及無算以財濟世財
有匱時以言濟世利無窮期

妄思奇福必得奇禍妄思窖金必至家破

龍行雨聲不聞龍出聲雷卽噴鵬搏風翻不露鵬奮翻
天卽怒

我所思在九域以外九域既窮天地何屆我所思在萬
物之究萬物既究孰持其後

心無敬傾不畏震霆行無疵累不畏社鬼社鬼所搏必
非強梁雷火所觸人或不祥

齊三士可稱勇伏劍死不旋踵魯兩生可號儒叔孫先
不能污齊三士誰可敵田橫島五百客魯兩生孰可回

哀平中楚二龔

更生齋詩卷第五

二

衣無複單難以禦寒家無法紀難以服官衣之有複潤
及肌肉家之有法化及鵝鴨

惠人升斗莫惠以口殺人刀戟莫殺以舌口惠人怨必
叢舌殺人已必凶

妖禽九頭妖狐九尾顧首顧尾不見可喜并鼈斷足形
天斷頭時起時舞不見有憂

盜賊水火不過家破飢寒困窮一身之凶妒賢嫉能殃
及孫曾利已害物禍至殄滅

環堂而行跬步有幾行之不已可積千里察書而觀書
苦易竟循環讀之義乃不盡

欲身不病無與物競欲身無災與物共財
檻虎縱馴不使導遊吾誰與偕岸有白鷗籠禽雖俊不
與論心吾誰欵曲案有素琴

不隨俗可挽俗不趨時乃採時

父母存苦賤貧蠶鹽蔬菽日以奉親父母逝感遭際錢
刀錦綺僅以營祭東流滔滔逝不回西日宛宛誰能追
行持形骸入蒿萊元堂幽局永趨陪

鵬六翮難傳天蟲百足難陟巖終爲人所嗤不爲人所
憐

百步之內必有嘉木吾拜松竹重其先拔俗一林之中
必有飛翔吾拜烏鵲重其不出鄉

更生齋詩卷第五

三

一身之事妻孥不詳欲告我友又苦各一方百年之中
半不居里惟蠹魚追隨見我輒喜

喜飲海水喜食海魚春夏卜居無逾巨區喜餐湖溆喜
采湖菱秋冬讀書宜傍禹陵

鏡不留物影過卽滅世不待人事去卽陳浮雲激電生
滅何速視世以心不視以目

壬戌新正九日吳封翁端羹等邀集世經堂看梅作
昨夜羅浮月微黃挂屋端居然半間舫釀足十分寒殘

葉樹頭墮古香枝上探花前兩年少吹笛勸加餐

十八日偕陸孝廉繼輅莊上舍曾儀黃秀才載華至城

東橫舟亭探梅回集卷施閣小飲卽送孝廉北上

東風纔解凍北風又飛雪已傷青春遲復與友生別陸
郎廿載同鄉里早歲聲名日邊起蝶夢莊周昨已醒牛
醫黃憲今誰比三君一劄皆少年各矯健翻凌風前流
光真慨熟羊腴壯志欲餐生彘肩嗟余病已經時臥五
十五年殫指過范睢齋向生前折荷偃頭從夢中墮閉
門且學楊子元精義一一離言詮雪花六出梅五出日
月右旋天左旋因茲悟徹無生旨大地春光亦如此要
從鶯燕識春秋不與蜉蝣共生死燭光千頭淚百堆日
昨畫鷁從東來元夕城東咸豐
堰有競渡之戲天門一笑卽飛電地軸
半折驚轟雷聞門却倩梅花守掃徑惟應待良友二頃
雖無陽羨田百壺且中山陰酒東門之東花幾株草根

更生齋詩卷第五

四

樹皮春已蘇大姑城訪東晉利少伯河接西洮湖荆湘
米價平難得楚蜀軍書尙馳驛燈火初回眼已青干戈
乍歇頭先白八角籬門尺五汀暫時分手若爲情南行
欲趁鳧溪棹北上先題雁塔名

將至洋川書院先詣郭北謁別先塋

經年方覺定羈魂松栢蕭蕭謁墓門已分頭顱行萬里
昨歲蒙恩免死遣戍伊犁至戍所僅留皮骨反孤
將軍又欲行法亦荷聖恩以免
村長愁擬共張平子妙德慙無袁愍孫揮淚更從原北
望鶉鴉聲裏上朝墩

過東垣

已斷中江路銀林五垣長水難歸震澤波轉突丹楊別

派分天塹低圩滅地糧五垧成高渚諸縣遂爲澤國前明遂奏滅地租派入宜興荆溪

等縣臺濛遺事在三復感滄桑

花朝日阻風江口望采石太白樓咫尺不得上

今朝花朝無一花今夕月夕亦無月因之酒人無酒飲

空向酒仙樓畔歇沉思往事心內傷陳劉應徐均已亡

調三十年前學使署及沈太守業富署中諸賓客如邵學士晉涵高孝廉文照汪明經中諸人我前同

公論夜郎意外復得還江鄉眼中千里與萬里只坐沙

洲慵不起忘機雅有忘機伴鸚鵡鷺絲飛不已君不見

江源亦出昆侖中往者險欲探奇蹤伊犁去昆侖葱嶺皆不遠豈知

勞人家住海東岸江水過我始得東朝宗奔馳歲月方

三載江水未移青鬢改竹帛偏憐壯志虛乾坤剩有詩

夏圭齋詩卷第五

五

名在二更月出斷厓口遠道呼童復沽酒花時雖無桃

杏花且向原南折新柳

涇縣道中夜宿

春山一路幽蘭香菜甲遠襯斜陽黃蓋輿時向杏梢度

薄暝尙欲穿層岡一山初平一山出怪石總從頭上突

却到山溪夜已闌橋南一樹花如活

過茹麻嶺

茹麻嶺南無隙地麥隴盤盤上天際青松陰裏紅杏花

波影日光微覺膩踈踈一樹闌干右燕剪未來蜂已逗

晴空復聞喚雨鳩呪得一角陰雲浮

行次桃花潭山店看杏花作

整整斜斜劇可憐
桃花潭側杏花妍
銷魂樓上三更雨
似畫江南二月天
小語未妨留現睨
閒情只欲惹鞦韆
慈恩回首真如夢
露冷烟殘又十年

山坑道中

雲乍離山日向晨
浣衣津口淨無塵
不知頭上花齊放

祇覺遊蜂戀美人

抵洋川書院

來路雲已遮去路
山復塞山禽亦分
界飛不妄南北惟
愁山外事傳到此
山側預戒五尺童
不延山外客
追思荷戈地亦有
萬仞山但覺白氣
周無此青彎環攤
書向檐前鳥語殊
綿蠻勞攘三十年
獲此一歲閒

生徒十數人曙即
攬衣起周廊聽書
聲都穿白雲裏與
談前世事一一盡
色喜所愧學業荒
欸門來不已
樓前半畝花紅氣
通八牖朝霞復相
間赤白分左右欣
茲讀書暇時亦陟
岡阜日昨山雨肥
園丁獻新韭

詠亭側海棠

薄暝行山坳花氣
籠一谷紅襟一雙
燕守此花畔宿紅
紅白白競半春只
此花態尤清瀟亦
如名姝善守身艷
極不欲銷人魂一
花初開承一葉葉
上時時綴胡蝶雲
紅露白夜不眠要
看殘月來花前

曉起看梨花

一白疑無影亭亭
物外斜祇宜將曉
月襯此欲開花飛

瀑空相照幽禽靜不譁聞千兩三曲何處著春華

山樓喜雨歌

一月不雨憂三田四山出雲高接天雨聲似挾海潮至
一夜迸落山窗前山中懸溜本數重添出百道如飛龍
喧聲忽然入室中欲挾床几凌虛空漫空花雨尤堪訝
桃花李花成陣下海棠可惜昨始開連雲都飛北窗罅
園丁失喜農師幸風伯差嫌煞風景翻盆雨驟晴亦驟
北斗仍看挂松頂沉思往事聲暗吞憶昨雨急趨烏孫
窺身無地得空穴雷電又入披驚魂雨行作雪夜若年
我僕尙滯南山巔羊裘濕盡不得脫指凍欲裂饑腸煎
卽今生還萬事足况復眼前書可讀雨聲風聲縱凌厲
足不下床頭戴屋君不見雨餘濕翠復幾堆曳杖更欲
登層臺老饕無端笑口開明日驚筍登盤來

更生齋詩卷第五

七

山館靜坐憶孫大星行

戊戌年曾共隨學使
者按臨過此縣境

峽號壖篋澗響琴卅年前事一追尋巖腰柳尙凝青眼
谷口蘭真愜素心偶尔塞翁悲失馬依然山館仿來禽
舊遊十輩今誰在最少如君白髮侵

將至旌德趙兵備翼枉詩相餞未暇報也山館無事戲

作長句柬之并約同遊黃山

逐臣初歸戀鄉土日日醉眠腸欲腐有花卽向花前飲

不問誰賓復誰主少年英英丁與陸

明經履恒
孝廉繼略

跌宕文

場氣頗粗就中我敬西頭趙七十高年健如虎哦詩一

字不相讓往往雷霆雜吞吐牡丹入首尤奇絕老筆轉

能生嬌嫵百年文獻差不愧一輩賓朋試重數忘筌莊

叟善高論中允通敏荷鍾伯倫稱大戶舍人召揚沈吳近又結詩

社廣文元轅劉蔣頻招宴花圃太守熊昌賽神我憶月

廿三去歲二月廿二日清明競渡人喧日端五波光已覺淨如綺

筆力復看強過弩座中詩派判唐宋壁上兵鋒看秦楚

危詞縱累十二碁定律不差分寸忝便教長樂嚴刁斗

敢與淮陰鬪旗鼓強梁幾欲扛周鼎弱肉何堪試蕭斧

叢譏杜老作詩瘦轉學荀卿著書苦此來百里程迢遞

實避千言氣莽鹵仍携季豹同趨塾時挈兒子未碍伯

鸞居賃廡萬山已距南來轍一屋祇開東向戶三天子

更生齋詩卷第五

八

障扇堪並五老人峯頭復俯丸華山距此不及二百里雲光破曉散

眇曉清氣歷時克肺腑耻同詞伯競壇坫可許散仙居

洞府狂遊尙未卜時日鄙意終須待僮伍我餐黃獨纔

匝月君跨青驄去何所時間有吳門之行名山欲入先鼓興此

老若來當步武朱砂泉記仍可續紅杏原詩不須補緩

程水定由青弋回路嶺仍登白紵狂思策蹇升龍脊醉

或然犀燭牛渚餘閒并可覓酒人陳巡撫淮近寓居蕪湖得暇未

妨談食譜君如爽約當有說意必兩端持首鼠蹤疲旣

畏行客笑句劣或恐山靈侮興公果係天機淺安石輒

爲人事阻縱然曳踵看山色應悔埋頭住江潯溪南帆

席不尙挂屋北降旗定須豎歸時擲示一巨編讓我長

歌擅今古

登山半小閣

一閣瞰四山缺處望箬嶺山坳一千戶歷歷若居井白
雲穿入牖曉夢尚難醒幾家晨爨早烟縷上山頂烟光
觸花氣倏忽暗朝景獨坐心轉清憑闌試新茗

山下訪友

門前古樹分向背千枝百枝鳥聲碎有時出屋不及冠
頭上白雲如可戴興來欲訪溪南友水鳥鷺絲分作隊
橋心甫過魚驚窺瘦影亭亭軟波內南山雲晴北山暗
坐覺一窗殊顯晦野人留客頗勤懇手剪青青一畦菜
家貧不諱瓶無粟舍北村南總堪貸飯餘一晌眠初熟
倏忽怒雷喧水碓竹中一徑穿曾慣人去鳥來都不碍
零星舊事談難竟送過前溪步方退爲言山僻有一龕
明日尙來堪晤對

侵曉送客過嶺

孤帷隱一燈行客尙未起殘月下北山寥寥犬初吠
一峯抱一峯劣徑入隻騎十里吹濕香原空瀉花氣
偶成

鳥聲不下樹蛙聲不上山夢醒聞衆聲寥寥隔層闌前
宵一雨山光綠添得水聲飛上屋三層閣倚百尺松飽
聽日午唵蒼龍

連日風雨花事零落殆盡牡丹芍藥尙無消息感而有

作卽示諸生

岡北岡南厭登涉十日看花都作葉風飄萬朵無一存
隔隴蔬花尙層疊閒情幾日少歸束春夢百番難妥帖
負暄行客乍脫綿驟暖高齋欲搖箏無端頃刻變晴雨
或者陰陽欠調變名花縱謝柔桑嫩樹上家家有蠶妾
攜壺挈榼上冢忙劇土四邊封馬鬣茶畦偏多麥畦少
久矣斯風盛宜歛洋川書院挺山半築屋居然象城堞
一甌我尙遠借書百里最慙爭負笈閒繙左氏獲麟史
教做羲之換鵝帖蜂腰終覺句可商鳩舌半憐音不叶
九經四史孰淹貫八體六書宜涉獵百房燈影遙相射
半里書聲恍如接埋頭已覺遙夜永陟足偏欣上山捷
諸生英英志莫惰春日遲遲睡防魘何時便可放勺藥
此信定難瞞蛟蝶花寬十日五日約香已千枝百枝裊
新蟾屈指黃半鉤嫩藥關心紅一捻二分纜向枝頭吐
一朵誰先鬢邊貼花前勸我頻攜酒花下阿誰時步履
醉同山簡接羅倒兩學郭公巾角墊金罍總向人前瀉
玉笛須從樹頭屢半街月霧籠衫袖五色花光照睂睫
商量却待榴火紅青弋江應放歸楫

度嶺

一山初平一山起更有一山生足底怪峯稜稜都礙履
山鴉啼愁山鵲喜翠柏青松淨如洗山頭回身望山尾
來路都沉白雲裏天梯初升石門啟已隔下方三十里

山樓曉望

花紅宜朝暎花白宜曉月梨花尙帶殘月光一樹棠梨
已迎日人家分住東西嶺萊甲作花連十頃平田雨後
飛濕光雲朶亦與花爭黃

微雨

天半浮雲過山頭暗一重早涼開北牖微雨入前峯已
度三層澗全迷萬壑松冥濛看飛鳥歸樹尙從容

山行

添衣欲出門日色驟晴煦濛濛北原上春氣零若雨斜
穿松櫟徑百鳥頭上語草花三兩種曲折礙芒屨前渡
淺水灘牽衣待儔侶

三月三日憶里中雲溪諸勝

更生齋詩卷第五

十一

今晨三月三禁烟亦此日風花無一朶清冷值佳節攜
樽上高阜轉覺鄉思切遙憐池館好踈雨亦將歇北郭
展嫩晴雙橋上新月應有挑菜人延回出城闕

我家白雲溪雲白溪亦漲一鳥溪上鳴千花樹頭放近
移東半里築屋轉相向春來尙無麥費輒在溪上樓前
楊桺樹闌牖可閒望花落溪水深春人定惆悵

郁李

階前郁李多只惜花瑣碎沉沉春晝影迷客有如醉幽
蘭獨高格開尙與人背梨花嫣然姿亦出桃李內庶幾
顏色淡蜂蝶所不愛三春孰蹤跡一客獨盼睐欣然攜

茗具晴晝看至晦詎忍折一枝夜窻仍晤對

半山看雨

雨聲欲走北風力欲挽西遂令一谷雲分向西北飛風
驚西來雨北走天頂依然挂星斗風聲雨聲入夜昏鳥
歸人歸爭一門君不見歸人歸鳥何太急鳥亦有巢人
有筮

大風拔木歌

寒食前一日

危亭不合皆畫龍怪底拔宅思騰空爪牙森森頭角挺
惹得天龍下窺影雨聲飛竟復飛電風力驟回先拔木
飛泉如濤響空谷餘勢尙摧花與竹晝耶眞耶不可知
但見半壁雲分馳雷聲亦自屋中劈照見鱗甲光參差
江南山高水復濶幽處盡爲龍所窟以龍招龍龍卽出
或者眞龍怪唐突黃山之西白嶽東勸翁掃壁更畫高
高峯不爾龍挾此屋飛入雲當中

寒食偶成

伊犁河上值清明東距關門尙百程今日萬山深處坐
雨花如夢撲簾旌

誰向洋川紀歲華沿門都已採新茶山中春事忙如許
桃李先開半月花

日午山窻睡起遲東風吹夢入游絲愁無一架秋千影
閒煞滿庭紅杏枝

衰遲未敢說春愁悵觸鶯花憶舊遊只有白雲知我意

隨風都到海東頭

偕諸生至下洋川修禊各賦一首

我來已半月未及洋水濱茲逢禁烟節又值上巳辰諸
生學經時用志已不紛相攜勝地來驗此心賞真聯行
亦無多童冠八九人牽衣過石橋酌蠡向水滑頗感歲
月馳奄忽及暮春吾徒勤讀書尤在志行純心性苟不
漓遠計泰與屯朱雲折安昌其氣尙未馴及對辭贛君
品乃絕等倫寥寥一千年冀欲追絕塵狂狷致失中又
恐戾聖門同堂貴參稽得聞盍共陳歸及新月輝陶然
飲芳尊

清明日望遠

夏生齋詩卷第五

十三

三更白雲四更雨踏青人聽更幾鼓鼓聲纔絕人聲擾
已見春衫度林杪濛濛松竹徑尙昏春燕亦復隨春人
風光縱好春人訝似怨桃花已先謝山中一歲止一來
棠棣枝下仍徘徊一旬春鬢無顏色却戴幽蘭露猶滴
洋川曲折徑亦斜沿路喜尋親串家前裙春水年年好
只惜紅顏鏡中老

階前艸花黃白可愛爲賦一絕

黃黃白白滿窻紗破悶聊拈午後茶從此不嫌風景淡
草花能替樹頭花

清明日憶女紡孫却寄

小白長紅幾樹桃嫩黃淺碧柳條條春光偶到三層閣

客夢頻牽八字橋，堪可學文愁。病肺兒能涉筆，幸垂髫
謂符孫他時卜宅烏衣巷。
時得孫大季仇札約
買宅共住江甯故云門外山光

卽六朝

偶成

校得南華內外篇，晚春已覺日如年。漸紅看罷看新綠，
正是江南麥秀天。

夜起

尋詩似厭春晝忙，三更起行百尺廊。紅蘭花前月尤皎，
白鷺影外天何長。樓臺密處闌干複，北斗正垂闌北曲。
水西一燈行不休，夜半已到山南頭。款門殷殷人不識，
失喜偏逢寄書客。山深不及羅酒漿，飯客祇有蔬花黃。

更生齋詩卷第五

十四

主人將眠客復起，欲到縣中還卅里。

水北三松歌

日日樓上看三松，今日甫向松根過。亭亭拔地百餘丈，
遠望仍疑水邊臥。松邊一橋亦千步，橋盡松根始全露。
盤空天矯不可名，一半橫遮水南路。松梢沉沉足烟霧，
白鷺不來棲白鷺。一枝北出勢更奇，翠得樓臺復無數。
五松中間兩已枯，間向岸北尋根株。移南倘復十數武，
老幹直欲捎浮圖。霜皮一尺裂一縫，堆得苔錢已無空。
風聲雷聲昨恹恹，龍欲出山雷雨踵倒。海排山浪齊湧，
只有此松兀不動。攖拏星辰疑有力，回轉陰陽不踰刻。
根株盤盤穿入石，透出石中枝尙直。松聲近樹反不聞，

數里外覺驚清奔鄰翁下見五代孫自說輩行無松尊
愛之不忍手撫玩一月幾回來斷岸君不見四山中間
人跡斷此客此松聊作伴

暮窗看霧

分半山坡枕水涯讀書樓上一燈斜怪來眼界空如許
白霧漫漫蓋萬家

望遠

挑菜湔裙總未曾半旬常自睡膏騰小桃落盡春無夢
雙燕歸遲夜有燈舊友許貽京口酒新詩都寫剡溪藤
惟餘望遠心偏切月黑高樓上幾層

山杜鵑

十日不出戶杜鵑紅滿山始知造化功足補春事殘紫
藤亦牽花掩映松竹間胡蝶去已久何時復飛還曳杖
一縱觀花露衣上班側聞鄰翁言消息到牡丹有此匝
月紅庶可待藥欄

山中

山中雨半宵三日足清響蛙鼓亦上山寥寥非意想

卽事

山雲朶朶欲凌空罩得山花處處紅自覺著書心地徹

不知身在白雲中

雨夜友人過訪

友涇縣人

竹笠芒屨猛叩闕匆匆知自震州還故人欲話三年事

積雨先沉四面山，勸客酒杯心轉怯。照人燈火鬢初班，
離家早已忘家累。擬築幽居水乙灣，所居水西山水尤勝

洋河橋題柱

洋川三面是人家，到得橋頭路已叉。却趕犍牛山北去，
不教喫盡野田花。

題士女遊春圖

白白紅紅艸亦香，且扶新月過橋梁。春光似海人如海，
不避遊人說大方。

羅衫葉葉趁春遊，竹粉時時拂面流。摘得菜花何處用，
嫩黃先襯玉搔頭。

黃蜂何處覓遊蹤，欲上層梯意轉慵。拂面遊絲已無數，

第三層塔且從容

東坡詩卷第五

十六

驟晴驟雨筆難描，一朶輕紅未破苞。乳燕尙嫌毛羽重，
祇教胡蝶上枝梢。

曲曲溝塍之字斜，踏青纔了路偏賒。一條春巷門無數，
何處能尋阿姊家。

十四日夜起

及此三更後，唵堂宋不譁。夜雲時作態，春月亦能華。蝶
夢穿書幌，蟲聲落畫叉。空明一灣水，似不隔窗紗。

十五日詣日涉園看牡丹

紅踈綠暗悵無端，路僻山深夜尙寒。似爾鏡中花爛漫，
門他天上月團圓。風光艷憶餐霞閣，香味清逾承露盤。

迢遞樽前小兒女故鄉春好不同看昨歲友人貽異種數叢植卷施谷中

此時當亦盛開故憶及之

看花歸值急雨

雲頭倏已昏雨腳來亦驟歸途經畧約四面水聲湊忘
攜簞笠具衫袖薄將透幸茲坡險處我僕已迎候扶攜
到軒墀早復注簷溜樓頭窗八扇看雨敞前後只隔山
兩重空明月如晝

夜坐

好書圍四面複屋住三層花氣能消酒雲光不碍燈下
帷更乍永擁被月初升只此清涼境年前得未曾

十八日詣延芳書屋看牡丹

更生齋詩卷第五

十七

別分池館枕汀洲花外纔停喚雨鳩修到紅顏仍有福
開從綠野不知愁吹香簾下頻牽夢照影波中亦並頭
倘仿徐熙圖沒骨焉支山下我曾遊

歸途復過日涉園花事尙盛

別來莫恨花開緩月缺一分花尙滿風風雨雨卽不時

梅枝李枝能護持牡丹旁有梅一株高出檐角爲蔽風雨梅枝高更出簷

角雨縱日飛花不覺固知顏色異泛常樹亦曲意憐花

王花前艸綠都如帶花影將沉夕陽外朝霞色淡暮色

紅雨後花尙嬌春風片時危坐北窗裏靜聽周廊鶻聲

喜君不見林陰初昏客初起香氣逐人還半里

二十日大風雨屋瓦皆飛至四鼓乃睡

四山都幕雨雲氣代成峯怪響時穿屋飛濤半入松夜
燈迷百級露瓦揭三重誰說高居好眠遲待曉鐘

案頭盆蕙盛開

書纔完一卷蕙已舒九朶清絕山館中幽花伴人坐

二十八日破曉雷雨

驚雷一片穿窗紙花上棱棱電光紫朝霞欲上倏復收
讓此霹靂穿雲頭日光初明電光暗雲外數峯雷尙占
陰晴百變誰得知殘月尙挂青松枝

連日風雨山杜鵑紅者盡落復有黃色一種花朵較大
滿山谷喜而有作

昨朝山杜鵑一雨紅盡退今來黃更艷萬朶出山背深

夏生齋詩卷第五

九

山花事好五色若相代花黃不到處點入四山黛森森
碧合流纍纍綠成隊如拳復如合花朵不繁碎已有采
藥人嬌黃鬢邊戴

自十五六日雨至此十餘日不止春事將闌感而有作
只惜花千片都隨雨腳飛此時孤客夢樓上一燈微夜
久頻牽幔春寒孰寄衣惟應入簾燕話舊尙依依

衆響居然寂天風靜掃闌殘春懷遠道斜月逗前山影
逐孤雲上魂隨獨鷓還鄰翁縱相約花事恐闌珊

二十九日稍霽向山後縱步

上山平下山險霞光舒露光歛雲頭尙有瀑一重雨腳
亂飛花萬點厓窮谷斷步欲回對面樵客穿雲來沿流

飛渡捷于鳥詫說北山花事好

山樓讀書雜詩

朝陽出東山生氣滿空谷春禽飛不到時亦響啄木經
時春露好潤此松與竹閒披東北牖偶復眺村屋空外
飛爨烟應知飯將熟

晨興對聖賢夜夢侍親側神明渙然開真趣誰復識孤
生百年內所苦駒過隙庶幾餘寸晷藉以獲三益平生
尤與悔至此已冰釋

平準三日晴原野漲春氣裊裊青竹竿森森逼天際高
低楊柳外鳥亦鳴得意而我久客斯孤生或如寄山農
勤播種僻壤少隙地昨者餉豆苗盈筐綠猶細

更生齋詩卷第五

十九

山樓極高寒所苦山霧重誰云春日暖幽谷未消凍軒
墀行迹絕艸密已無縫冠裳束高閣月朔偶一用離俗
愧未能經旬有鄉夢

閒身三十年一日書不離每于積軸中獲此神解奇一
義苟豁然詎識渴與飢遊山素所耽近屢改日期亦恐
心志專或以耳目移殘漏披北窗攤書竟忘疲

山雲不出山舒卷如在我林禽知客意時亦近窗左軒
墀無別物積軸致堆垛而我顧樂之時行復時坐風花
雖已謝又綻滿林果今日山杜鵑入簾開幾朵

頻年著左傳詁已欲告成偶題一律

頻年几案整精神訓詁方輿勘較眞于世已疑成棄物

此經未愧號功臣時將古意參前哲不肖多端誤後人
紅豆一株今在否莫教嘉種化爲薪

紅豆山房惠徵君定宇所居也此書

采徵君九經古義頗多故憶及之

三十日餞春

屈指將長至攤書晝漏長日濃花氣淡山靜水聲忙紅

隱新遷社青連古戰場

北去卽蘭石爲晉宣城守桓爨屯兵距蕪峻處

殘春今

已盡三復舉離觴

山館卽事

三重碧澗客難渡一片白雲吾與居乎心已任喚牛馬

壯志偶欲箋蟲魚樓頭青松下芳艸樓上著書人未老

經旬窺徑無一人抗手欲招飛過鳥

東齋詩卷第五

二十

花光一重雲一重花氣香入雲當中雲頭花香亦分鈿

高下任逐泠泠風幽居百日絕妄念山在屋頭看不厭

惟嫌村酒淡不釀卅里呼童走山店

初七日夜偕同人至鄭氏園亭看勺藥歸途遇雨作

閉戶纔旬日高原麥已黃亂流雲外湧百草雨中香地

僻留春氣廊虛閃月光居人無乃笑曛黑看花忙

喜青陽陳明經蔚過訪

驚起山南鳥鵲羣筍輿穿徑已斜曛意中欲定千秋業

時以所作乞序

近于江北

訂定并乞序 寫上猶飛五色雲種蛤近添新事業

置水田 射魚仍憶故將軍

君客福建將軍署中五年 他時九子峯頭

路訪罷東巖便訪君

東巖卽九華東峯三十年前與君分手處也時訂重遊九華

豐溪道中望天都峯作

山南地陷如智井人鳥爭巢松柏頂高低山麥皆已刈
留得白雲鋪十頃千峯萬峯雨模糊一峯獨立天所都
記曾曳杖至絕頂七百里瞰高浮圖戊戌歲隨學使者遊黃山曾偕土人陳某登天都峯頂天氣晴朗約畧望見江甯城外報恩寺浮圖蓋相距已七百里矣陳某土人各爬山虎聞死已及十年名山歷徧人驚老如虎健兒今亦少君不見置身高處眼界開足底復有千山來

畫眉嶺

竹笠芒屨雨腳粗更從峯隙望平蕪畫眉嶺上無多地
除却茶菴便酒壚

涇縣道中山行

更生齋詩卷第五

三

水東水西天下第一縣好山都染黛人行螺旋不得休
纔欲出山雲復礙溪光五采霞五色霞外樓臺好登陟
艸頭黃白時有花紫燕交飛亦如織仙人溪上雲冥冥
山青一路至敬亭君不見車箱驢背坐已怕欲借仙人
鯉魚跨

琴高溪小憩

連山雲氣暗層岡瘦僕偏憐策蹇忙只有雨絲無日影
琴高溪上十分涼

琴魚琴筍更琴茶

琴高魚之外地產茶筍亦極佳土人各爲琴茶琴筍似與仙人

共一家欲約麻姑過溪上平田添種女桑花

渡小南湖

稍晴渡南湖波濶三十里鷓茲及鷓鷯水面飛不已一
綫日影中湖頭達湖尾四山青乍露雲已伏不起何因
吳地犬見日亦鳴吠只有南下人推篷展然喜時陰雨已及半
月

第一村圖

于徵君宗林家在蒜山之麓相傳卽晉時孫子荆所
居第一村也壬戌六月十日徵君招余過洲上信宿
並命幼弟淵問業于余坐次出此圖索題因作長句
以贈

京江西頭第一村大水細水吞柴門柴門開處一峯立

對門卽九子山直上棱棱百千級水邊楊柳分三層鳥巢入屋

夏生齋詩卷第五

一三

魚有鱗水光不動山雲化魚鳥與人皆入畫東瞻北固
南五洲屋背更壓金山頭徵君兄弟文筆優闢屋別築
藏書樓草堂時來第一流十日五日能勾留萬株青竹
竿百頃香水稻九派江流入懷抱君不見晉人風流安
可效合署此村名有道余過介休日曾兩詣郭有道村

十一日同人遊九子山

今朝北風好吹我入南山一谷怒當路千花靜掩關時

穉蕾薇客從三伏斷雲自五州還却挂征帆去幽巖未

尙盛開及攀擬重遊獅

剪江至焦山并遊巨公厓諸勝

火雲燒處戶難開却被支公信使催我比海潮還有信

兩隨圓月渡江來

石骨峻嶒石髮纖海雲東上日西淹來春我看桃花處
之字江流品字巖

匡正對桃花洲

巨趙上人于焦公洞西北復闢一屋境極奇峭十二日
邀余及同人避暑其下并乞命名余因以巨公名之

復繫以詩

道人夜洗山洗入北山腹玲瓏逢一竅貼若巨龜伏梳
爬及三日寬已半間屋西來山勢猛至此始盤曲石石
悉欲雙惟茲石成獨安排青石磴甫可展遊目南瞻及
京口西正眺浮玉鬱鬱卅里洲雲烟互重復鑿山疏水
續始事尤足錄成功雖欲讓衆論久已屬剝苔題數字

庶配朗公谷

十三日早至別峯菴看日出

一峯旣別出一水亦別流山水各有別于茲起危樓樓
上八牖開正對東海頭百怪未及藏光已燭郁洲森森
赤玉盤正向案上浮朝景旣已開夜氣始盡收我心亦
空明障翳一不留僧雖訝久淹敬進水一甌移榻閣上
眠心神與天遊

詣高旻寺如鑑上人招登天中塔望海

不信帆檣上居然戶牖開岸疑穿地出山欲渡江來舫
屋東西接樓船楚蜀回贊公招手處飛鳥亦驚猜

此日隨飛錫多年歎轉蓬三層厯霄漢百級出樊籠天

意誰能問坤輿已欲窮請看東海水流入尾閭中
茱萸灣別墅與諸同人納涼分賦 卽放生池

茱萸灣中無六月水竹水雲涼沁骨支公迓客鶴亦隨
毛羽離披歷先折房廊已遠官河口四壁都依水楊柳
幽人見慣亦不驚水面大魚人立久斜陽欲入雙徑松
一杵已遞焦山鐘雷塘螢火忽飛到百劫尙識臨江宮
石牀旁邊安竹榻僧古說詩如說法道心不止鷗鷺喻
善念都看到鵝鴨勞勞行客歷入荒誰識此子疲津梁
天山冰雪話難竟 客詢及出塞舊事 座客心地皆清涼茶杯鬥
罷鬥酒杯七客反送孤僧回君不見東西咫尺涼燠異
隔岸火雲飛驛騎

高旻寺 行宮敬賦

更生齋詩卷第五

二四

一水居然跨兩州塔前千尺步廊周怪蛇古柏爭橫砌
海燕溪雲各上樓話久綠莎廳外路涼生 黃屋殿西
頭誰憐憔悴江千客會侍長楊五柞遊

侵曉詣放生池看荷花因夏仲雨水過多花事寥落池
上謝公祠等又半燬于火感而有作同途復至卜家
池上小憩

謝公祠畔路不是不能來水雲旣已荒水上無樓臺半
池枯菡萏十頃黃蒿萊沿溪三兩家枕此蘆荻隈終朝
女墻影鏡裏常裘回待此曉日升久坐石砌苔同經寸
家池紅荷反齊開

盆蕙盛開

東南卅步回廊直香氣出門如索客尋香覓蕊淡不分

花葉稍分淺深色一枝亭亭凡九花根蒂尚帶山中沙

君不見離山更憶居山日萬朶奇花一鈞月洋川書院在山半此

花尤多

哭張編修惠言

直為朝廷計尤須惜此人義堪風有位官僅作詞臣嫉

俗者常斂憂時意獨真研心仲翔易骨相亦同屯君時注虞

易翻

萬里逢嚴譴三秋值抱痾避人來請室鞭馬及渾河未已

八月余在請室中君無日不入訪瀕行復扶病送至蘆溝橋聚談竟夕閱世知心少思鄉

見全齊詩卷三

三五

別夢多屢欲乞假歸未果十年無淚灑為爾一滂沱

校禮圖為凌同年廷堪賦

君年三十正據鞍相與其客河之干丁未戊申曾同客河南撫署是

時我有左傳癖未暇從子研周官禮經盤盤若干例近君

著禮例一書釋例甫完先擢第木天粉署非所願只覓著書

將母地宣城僻在水一方昔為詩藪今禮堂驚人賦

謝眺句解詁問學盧中郎我行千里與萬里羨子枕書

眠不起昨宵訪舊來此州萬卷都堆竹窗裏遊談我已

戒不根况子經術今專門留賓亦復太狡獪倉猝為我

羅雞豚君不見溪茶可煮筍可食官滿十年階欲陟他

時博士擢禮官兀兀看君稱其職曾孫用懃校刊

更生齋詩卷六

陽湖洪亮吉著

蠡河傷逝集

夜宿九華山東巖讀壬辰年朱學使筠題名碑共十二人自亮吉外十一人無一存者感而有作

前遊十二人十一登鬼籙惟餘一生者西復窮地軸當其勢倉皇天地爲一哭甯知過返迅又此濯雙足平生時檢點恐負友生屬餘年惟欠死除此萬事足山僧勤問訊把袂恍如昨灑酒對石厓四山紅躑躅

度柯冲嶺

屋前童失聲屋後山起立尤愁沙石滑空處不置級斜

更生齋詩卷第六

暉初沒水行客勢轉急君看厓上樹迅羽亦不集飛騰如猿猱我僕愧難及明星三兩顆天已逼斗笠石罅出一門雷霆復相襲時時涼沁體衣袂宿雨濕過嶺望九華凌空向予揖

洪清園夜宿爲陳明經蔚點定所輯聯珠集

不用屏風六曲遮屋頭了了見金霞

門外卽金霞峯

一門詩集

追元祐百里溪光似永嘉墨雨醉看飛四座水雲涼欲罄千家平生幾兩遊山屐到處爭圍問字車

下洪溪憇雲嶺書屋贈芮茂才炳

泉聲碧璫瓏石氣青雲

雲建

林梢花區匝潭隙魚瑣碎主

人雖獨坐修竹列成隊主人雖孤眠翔禽舞成對閒雲

知夙契空水識心愛中年富文史亦屢至都會因緣無
把臂甘此事恬退况今耽道寂久與俗相背閑仍課經
卷偶亦勤耜耒扱履不出門寥寥今卅載

自廟首至石柱山久憩

二石絕不黏高下及三丈凌晨北風峭積勢欲顛蕩將
頽仍不下突兀出意想奇峯覲千百此石僅能兩行人
經脇下險絕不獲仰無心雲亦憚出谷徑皆枉孤盤千
級磴竟少一寸壤艱危厯方盡烟水忽駘岩貪看遊屐
過樓閣幾家做夾岸紅蓼花沿途足心賞

歸途訪白山精舍

南山與白山勢若不相接青紅雲萬縷祇向白山貼望

更生齋詩卷第六

二

中纔數步忽隔嶺千疊松梢高復下門此筍鞭捷樹杪

露石樓參差間層堞山深富文史百里爭負笈

讀書精舍者甚

衆禽巢及人屋近若睂與睫窗開瞰峯罅鳥道入休歛
稜稜飛瀑外山鬼或能涉爆竹偶一聲鼙颺落如葉

松澗

藍輿一折已入山百折不獲升松關鳥聲噪客一何急
飛瀑復向輿前攔夕陽欲沒仍不沒始覺石門天半突
雲頭陟落一片陰且憇松澗聽鳴琴

余本約焦山僧巨超同遊九華巨超遲至山二日遂不

相值巨超瀕行丹徒顧文學鶴慶繪天臺踏月圖見

寄因作長句題後以貽巨超卽寄文學及王秀才豫

我前遊九華苦乏熟客陪有僧名道成

道成俗家江都今主九華飛來

合

有峯號飛來登峯挈僧行奇險始盡開猶遲過江

僧未及登天臺天臺山高一千丈却值秋中月將望山
光正好客不來一谷猿猱致惆悵我來早數時君來逾
二夕蒲帆何遲筍鞵疾百里白雲迷去轍數君住近桃
花洲見畫忽欲生離愁君不見我今讓尔出一頭逸興
竟與神仙儔天空月華露不收任爾徹夜成清遊

余以九月初旬至黃山浴朱砂泉及門青陽陳博士坡
文學壤及塾昆仲後十日始至亦不相值博士等宿
文殊院及紫雲菴各二日始下山并迂道過訪出遊
山詩相質復率作此篇跋後兼寄巨超

見全齋詩卷第六

三

牛春約客遊天臺芒屨已返客始來半秋約客入黃海
可惜疲蹤復難待山靈笑我屢失期不待伴侶相扶攜
豈知事會適然耳僅隔百里趨先岐山山秋爽山山月
爾乍入山余轉出題餠說餅興益豪不負秋中兩佳節
狂來翻怨天半風不遞笑語來雲中諸君清福亦誰及
各以月滿升中峯一峯參天一拔地盜得乾坤最清氣
環山宜歛十萬家下視冷冷垤中蟻九華旣愧雲水僧
黃海又復慙吟朋君不見天臺天都讓爾登我轉下歷
堦千層萬峰中間一水澄寶氣上燭光如燈三宵七浴
爾可能痼疾若失神明增靜中道氣時鬱烝他日或者
能飛升

七月廿三日道過宣城凌教授廷堪邀趙舍人良霽戴
教諭大昌陪遊南樓晚日卽飲教授學舍率賦一篇
奉贈并呈趙戴二君

我前來宣城北樓正盛南樓傾樓頭七客作高會璧月
夜半縣簾旌我今來宣城南樓招客北已扁江城不雨
及匝月樓上習習涼風生地高正可瞰中外岡阜缺處
菰蒲平春歸臺前望敬亭山色無復前時青流光彈指
卅年耳舊友一輩誰崢嶸紫微舍人有盛名前遊正直
歌鹿鳴靈光巋然尙及見

謂舍人父侍御青藜余壬辰
年隨學使者至此猶及見之

令我再到思前型西頭博士官極冷大戴小戴俱橫經

教諭子孝廉
揚輝亦隨行邀來共向此樓坐意外一一欣合并我行

更生齋詩卷第六

四

僻路人宰經頗怪百輩隨人行我顏衰慙衛洗馬我句
拙愧蘇端明郡人看我亦何意後先轉告喜且驚得毋
平生性拙罪屢褫或者疑我非人情不然又疑昆侖雪
窟在何處怪我萬里遊行輕豈知我荷再生 德投昇
又許重歸耕此來訪舊亦偶爾難得四面山如屏依然
遊興尙未減九子蓮萼思逢迎凌陽仙人實子明邀客
不惜飛干觥烹鮮斫膾煮菱藕灑掃竹徑開荒廳茶杯
初停酒杯續愛我奇論時縱橫主人先醉客轉醒隔屋
僕豎杯難停君不見燭花墮穗已四更門外僕馬催長
征炎天雖熱夜氣清嵐翠重疊浮冠纓曹騰醉客路杳
冥照徑幸有東南星南樓北樓此夜一回首落落更鼓

餘三聲

霜降前二日得家書知山妻病甚亟時以事淹滯未得
急歸書此遣悶

山館傳經底事忙一旬猶未返江鄉青林盡變爲紅葉
那得愁人鬢不霜

宿京口于徵君宗林宅

日月雙丸竟若梭此愁難遣酒銷磨癸辛雜志從頭讀
丁卯荒橋接踵過鄰舫乍驚歌小海寓樓偏苦逼長河
淹留信宿非無事課得侯芭奇字多

焦山法界樓記夢

法界樓前雨乍昏半宵忽復見驚魂夢中不畏波濤險

飛盡江關到海門

幾番推枕睡難成索索愁聞故紙聲一語似傳陽羨好

微茫或已證來生

夢中見蔣宜人
似言將往宜興

悼亾八首

蔣宜人亡已匝月心緒惡劣不能握管昨赴弔吳門
舟次無事勉成八律聊寄哀思云爾

四壁都無百事非依然佐讀忍朝飢窮年累日埋頭慣
月地花天攜手稀質釧記供除夜讌購書先鬻嫁時衣
貴來只憶居貧候宦海頻頻勸息機

會稽僚婿最輕浮心薄酸寒笑不休顧我幾時纔奮翮
累卿長日鎮低頭補衣怕在人前綻缺米羞從舍外謀

春半好花秋半月可曾結伴出清遊

客久燕臺復吹臺遠人難返遠書回中年總覺愁眉斂
上第纔令笑口開官俸薄憐隨手盡宮紗新憶稱身裁
宜人二次入都皆直端
午拜 內廷紗葛之賜歡場畢竟平生少夜夜遲眠漏
暗催

柰此迢迢遠道何行完舟楫上車贏七千里外攜家往

三十年來負汝多憶堦夢魂逾紫塞傷兒涕淚滴黃河

余視學貴州出都日次子盼孫忽殤宜人思之往往垂淚浮生本擬難重見卿呀飛

蓬我荷戈

百齡原未敢輕求妄冀同將甲子周昔日望夫幾化石

他時喚婦怕聞鳩裏屍馬革吾曾具滴淚牛衣爾尙收

奉倩過情蒙叟達悟來一笑欲忘憂

常將家計一身支甘苦誰人得盡知慈母羹湯調隔日

宜人自都中回毋莊孺人年已九十宜人日饋甘旨不絕兒曹衣履製隨時輸官不

待催租吏掃室先延課讀師可惜了無情緒在譜他遺

事入哀辭

深閨解笑元才子捷徑行纔冠百僚尙詡俸錢逾十萬

可知名節墮終朝偶思卿語閒中涕頻把生魂暗裏招

我亦營齋更營奠居貧未改舊簞瓢

一種傷心譜不成畫着窗外總帷橫何堪枕冷衾寒夜

重聽兒啼女哭聲隻影更誰憐後死遺言先已訂他生

無眠轉羨長眠者數盡踈鐘到五更

客中雨夜不寐起坐讀吳祭酒錫騏近所寄詩

誰憐奉倩最傷神起坐披書屢欠伸垂老僅餘囊底智
獨醒時啖果中仁閒將晴雨占庚子未許雌雄判甲辰
祭酒與予同舉鄉試
并同庚故戲及之
正是客懷淒斷處玉梅窗外影橫

陳

十二月十日同徐達源待詔陳煥理問唐在簡潘翁沈
翻三秀才呂英馮珍兩上舍遊故宮傳周元理宅後

五畝園率賦

我來黎里鎮冬杪意淒肅悠然思縱眺退傳存老屋維
時欸戶客笑語聆皆熟攔門富烟水惜尙少喬木尙書
曾一面歸棹昔何速休神家術日久已鬢毛禿死有五

更生齋詩卷第六

七

畝園生爲八州督同時弇山叟亦復振英躅俄焉大星
隕倏爾故巢覆並看饒達畧獨此享殊福無端判豐悴
誰得識倚伏去去訪墓門靈巖北山麓
畢宮保墓在
靈巖山麓

贈徐達源待詔

居鄰水國號山民校勘陳編事業新官齋偶同文待詔
唱隨欣得管夫人
君配吳夫人亦工詩
有寫韻樓集四卷
買書船好通支

港寫韻樓高絕點塵屋後女桑三百樹不妨來訪異時

春

跋屠秀才揆解燈筆談

吳江書生授徒畢不朽思憑退毫筆文章李益詩韓翃
鬼董狐兼作三絕比來作家殊可商數日便已盈巾箱

春秋二傳閣上束委宛一册匱間藏豈知著書人貴在
義創獲陳編盤盤出心得世事悠悠嗤耳食元之又元
倘難冀譎以傳譎究何益韓陵碑外呼以驢沈約傳中
嗤作賊游談縱欲宗儀衍邪說遠不如楊墨仍矜信手
書一寸可畏當頭法三尺汗牛充棟出不休郢書燕說
吾所羞流傳縱復屏不視雅爲世道人心憂掃除一切
斯政要昨者竟煩

天子詔

近有諭旨飭
禁說部等書

從茲委巷絕傳布不與俗儒資

語笑六經置案廿史陳吾儒事業本有真見聞自此可
畫一風俗或者歸真醕君之此書我所喜有勸有懲非
衆比因君發我所欲言白日當空照窗几

真生齋詩卷第六

八

阻風二首寄吳祠部蔚光

殘年心跡閑如此爲訪知交屢阻風料得故人吟案側
寥寥先有夢魂通

燕然日日荷戈馳苦憶孤蓬聽雨時何幸望湖亭外路
阻風中酒更題詩

偶成

俗儒不知古亦復不識今喜作經世書何異龔與瘖聖
人旨昭昭不向六籍尋沉埋語錄中痼疾旣已深事故
紛疊來隨俗而浮沉仍然嗤老莊又復哂向歆一册挾
兔園更詡工詠吟遐哉鍾子期何可託賞音

阻風二日隨地泊舟率書所見四首

昨宿吳淞營今宿海虞鎮官塘咫尺不得近且向波心
候風信雪花夜半縱復橫一燈如豆寐不成老龍窗外
欠伸立來聽五夜吟詩聲

一村無十家屋背皆黃蘆村前村後集釣徒衣食總靠
門前湖大魚網得愁無法偏強先將石砧壓魚多市遠
不值錢時割銀鱗飼花鴨

人蹤既已稀犬吠亦不聞舟移一村復一村對面忽迨
前朝墳荒碑半埋難卒讀落月正懸墳上屋多年翁仲
欲出行石馬石羊爭尾逐

一舟依魚梁一舟衝蟹齧鴉巢紛披鵲巢亂風急船船
欲登岸清晨糴米路復遙蠟屐險欲經危橋船窗飽飯

無一事行客水鳥皆無聊

山村雜咏

殘冬已見蟄蟲蘓晝暖無人詣酒壚看徧市橋春帖子
家家都已寫神荼

豬欄鴨棚護偏牢柴積先逾屋脊高一事轉驚除夕近
堆盤春餅襯年饒

蠶方聞未息烽煙

近聞廣東復有會匪蠢動

造物恩于此地偏但得

臘頭三寸雪江村又可卜豐年

江鄉歷盡更山場蝦菜都看入市忙曉日淡黃天淡墨
竹梢先已逗春光

自吳江歸取道宜興舟次值同年邢大令澍話舊卽席

賦贈

前年西子湖同訪孤山鶴

戊午冬仲在西湖把晤

今年鼓歸棹植

子鷗波閣我行萬里歸兩年君官一縣還未遷卽今大

吏舉尤異鞍馬結束行朝天官舟初停我亦泊意外值

君殊錯愕山陰踏雪訪安道西陵遇風獻康樂分張久

已慨班尹同泛近看追李郭君才轉以繁劇進我境苦

從憂患縛吟詩不已復著書

君前著全秦藝文錄近又欲緝宋會要官齋聚書至

三萬卷多有藏書家所無者

萬卷總爲秦風儲精心復緝宋會要俗

吏百輩誰得如邇來述作殊難說往往著書成頌刻惟

君畢力究經史餘事猶能及金石家山憶在古隴西

在階

近聞尙未歇鼓聲秦川之中血沒腕白日已有妖

更生齋詩卷第六

十

禽啼怪君語及顏色慘日日心馳到關陝飛書走檄君

最憤殺賊持刀我尤敢瀕行索我輿地編我今學業荒

可憐投荒來去絕吟咏卽有亦不如年前昨來歷徧甘

涼肅荒翳從誰借書讀河西子弟多才俊健筆尙須資

卷軸君駝萬卷歸秦階可作隴右藏書家開門看山閉

門讀課子暇日還伊啞妖氛銷盡山容爽隴底平平亦

如掌秦中山川我神往挈杖來遊異時儻

夜泊

忽風忽雨入黃昏繫艇聊從古樹根五夜單衾驚驟冷

卅年舊夢喜重溫荒途似訝非人境密意憑誰寄鬼門

我已傷心不能說更聽鈴鐸語荒村

十二月十八日吳祠部蔚光招同邵聖藝封君孫原湖
席世昌邵 三孝廉雅集小湖田館卽席分賦

小湖田館值年殘難得詩人六輩閒映雪半窗聊讀書

衝泥雙屐罷登山休官未免仍憂國荒飲何曾更閉關

尤喜賊氛消咫尺符離城外戍兵還昨宿州鹽臬股官
滋事江蘇巡撫亦

領兵至徐州防守適聞
事已大定兵可撤還

打冰行

船頭獻冰如戛玉船尾打冰如擊筑一冰飄來大如斛

船尾船頭手皆東北風如虎冰所憑冰面又復添層冰

嚴霜一層雪一層照耀白日初東升枯樹灣白楊渡舵

樓指點鑿冰處鼻涕先驚作冰柱

守凍雙河口竟日對錫山喜賦

夏三齋詩卷第六

十一

平時祇覺山容峭不識玲瓏石千竅今晨看山山益奇

九峯高處鳥不飛半宵稜稜朔風驟雪壓白雲如絮皺

更殘缺月上嶺時雲白與雪光參差霜加濃雪增厚襯

得空林鳥巢瘦三日凍雲難出岫

小除前一日祭詩作

過江名士渺難求温嶠居然第一流懶把黃金鑄生佛

閑栽碧玉繞新樓時于屋後築一小樓先期種竹以待升歌尙有兒能讀

斗酒先無婦可謀誰更殷勤送梨橘蔣宜人在日余夜
飲歸必預備梨橘

以未經沉醉已生愁

癸亥元日影堂祀先感賦時蔣宜人亦耐祀

收拾全家畫裏看愁從紙上話團藥如卿又已衰成軸
只我何時定蓋棺殘臘雪封梅蓋白五更風颺燭光寒
朝參久罷朝衣典野老應知禮數寬

新正十九日趙兵備翼招同莊宮允通敏劉宮贊種之
暨舅氏蔣檢討蘅湛貽堂雅集適同年曾運使燠過

訪遂并邀入會並詞館也兵備作三詩紀事余依律

奉荅并寄顧修撰臬莊吉士驛男謝吉士幹是集本約三君

修撰以道阻二吉士以屬疾皆不至

堂高真認大羅天五輩飛仙一請仙同羨玉皇香案吏

仍參絳縣老人年檢討舅氏以年過八十賜第已甘名士稱龍尾中

河館余齒居末曾與將軍導馬前余謫戍伊犁將軍每出多使余前馬今日蓬瀛

更生齋詩卷第六

十二

重預會尙疑枚乘是張騫

一院陰陰覆薜蘿清談原不沸笙歌筵前客尙遲三少

修撰及兩吉士座末人猶冠七科余于詞館爲後進然下距壬戌新及第諸君子已屬七科

前輩矣選日早欣傳里郃使星偏欲駐巖阿運使以公事赴吳門歸塗

阻陳留宿余舍揚州金帶圍休羨只此梅花瑞氣多

屈指先庚與後庚兵備以庚午鄉舉余以庚子前後却三十年迢迢卅載許

齊名登科記憶蘓和仲諫獵書慙馬長卿九秩乍開稱

晚進檢討舅氏年已近九十宮允與余皆舅氏執經弟子一堂分半禮先生家風

雪窖冰天慣敢詡鑿坡世澤清先文敏謝政有父子相承四上鑿坡之直云云

是日座上有懷孫兵備星衍復成一律卽呈諸前輩并

寄兵備

白門旅客亦詞臣却望歸帆已浹辰
坐次尙虛三秘閣
飲中原擬八仙人居然皓首稱先輩
同向青雲逐後塵

兩度木天高會好占他殘臘與初春
前歲臘入日本李廉使延敬于吳門作高會坐中同館亦有八人吳祭酒錫騏范編修來宗李樞諸奕疇孫兵備星衍李太守堯棟張吉士溥暨余及廉使也

十三日約蔣二廷曜出東郭看迎春

今朝却喜值花辰
是日梅始放晴雪能消隔歲塵
却約白雲

溪畔客試燈風裏看迎春

二十四日小窗獨坐聞慧超巨超蓮艇三上人已抵西

郭卽欲過訪喜賦

更生齋詩卷第六

七

簿寒開南窗默坐苦不樂忽聞三上人遠到慰離索
開雲西北至並落天際鶴呼童掃三徑先把長帚縛溪邊
梅樹古細驗開與落山人庭宇窄畧復具疏鑿更生新
作齋卷施昔名閣沿階攤坐具相與話寥廓未知江上
艇能得幾時泊蕭然忘世味蔬止辦藜藿飲罷訪定僧
謂天甯寺了月方丈連翩出東郭

二十五日雨中同三上人至紅梅閣探梅小憩

久晴既望雨久雨亦望晴街泥滑如油攜屐忽遠行一

樓入虛無三面柏作屏沿階石狻猊色帶苔蘚青中藏

全真盧儵然誦黃庭遠挈開士來勞此道侶迎清談忽

移時天色又已冥仙人旣飛空梅葢亦不馨
時閣後古梅凋落殆

盡朔風攀衣裘難臻樣丹亭惟應榭檀香歸塗訪天甯
蔣宜人亡已百日感賦一首

生離每經年死別又百日感此泉下人時添鬢邊雪薄
帷風乍舉暗牖燈自滅如何傷心淚先作冰柱結椒漿
聊此莫時物爲卿設笑言猶在耳音響已終絕明明稱
共命惘惘冀同穴行築土一坏衰年願方畢

邢大令澗松林讀書圖

作宦已十年讀書近萬卷仍然勤吏事訊讞無剩案時
移六經筆頻寫五花判精嚴吏胥懾事事取心斷輕囂
吳下俗近已樸而愿公餘仍泛覽官廨若經館甯惟動
載籍百氏悉貫申太湖三萬頃此縣實南岸旁通苕與
霅百里足漑灌官清放衙早嵐翠塞庭院挹茲清遠境
迥異繁劇縣松青三面列竹綠四時看官賢既如此多
士亦競勸曾聞哲人訓仕學本同貫作吏卽廢書彼哉
何足算

二月十七日早至凌江閣久憇浣梧道士爲招張高士

鉉郭孝廉莖早梅花下小集于生淵昆仲聞信亦至
日昃更放舟至金山駐江天寺看夕照作卽寄浣梧

道士

凌江高閣平明開橫江一鶴先飛來扉聲殷然磬聲落

道士迎門亦如鶴修眉長爪彈素琴朔風泠泠絃上音

張生郭生住咫尺招我花下同披襟花當爛漫人惆悵

萬事不如花未放
初春閣上景亦幽
春酒初濃月剛望
于生來從第一村
拜浪先復驚江豚
忽然興發欲西去
挂席日昃來山門
一山遊完屐方駐
樓小如船欲同住
回瞻閣勢尙隱然
却在斜陽正紅處

江天寺晚步

一曲中冷泉至此
波始濶多年石最
屨筋理已欲活豐
碑八尺柏木韜壓
岸不使鼃鼉騎青
霞赤日疊綯采神
物終須走東海

西來閣夜宿

一菴名西來圓月
向東出江空遙夜
永雲水四邊徹僧
樓一一高挂空倦
客似鳥投樊籠三
更以後羣動息萬

夢並落蛟潭中

曉登慈壽塔

孤筇摩青蒼一塔
壓白日稜稜開四
牖絕頂海門出濃
雲浮江帆不舉江
北江南洗春雨高
寒鐘磬已絕聲自
在一鈴天上語

頭陀巖小憩

牆頭開鳥巢墻下
出蟻垤天風飄客
下已復抵石室莓
苔青青石色赭人
語依微出巖罅陰
房舉火照始驚百
歲枯僧蟄其下

方丈僧出宋蘇文
忠公玉帶見示並
恭讀

純皇帝御製四詩
敬賦三首

八尺囊裁宋刻絲雕盤中有上清詞平生不合時宜處
輸與團團碧玉知

七百年來步後塵乘雲遊戲任天真更從以上推前輩
只有金貂換酒人

蓬萊謫下已多時肯向紅塵挂一絲莫笑寶山空手入
髯翁留帶我留詩

二月廿四日程文學贊皇吉士贊甯王上舍豫招往平

山堂探梅卽席感賦一首卽寄汪司馬端光廣西并
近東儲明經潤書汪秀才文錦

花朝已過十餘日梅枝纔杼三兩花舍舟登岸一展眺
令我三復悲年華浮雲變滅誰能說轉憶邗溝授經日

更生齋詩卷第六

十六

當時白袷諸少年眨眼忽驚頭盡白汪生憔悴秀才金

生死高郵金明經蘭在揚州日秋雨菴中土花紫窮邊

遠宦今何在久不得汪司馬端光消息三歲不貽書一紙岡南岡北

梅花村何處可覓詩人魂他時鶯燕亦惆悵覲面已少
前時人新知雖多故知少百歲交情願相保徑草猶稀

敗葉深林禽已老雛僧小花枝映水作淺紅沿岸更溯
東南風回舟擬向虹橋歇準待四更山吐月

古意十篇奉酬范文學棠見贈作

西山望東海東海何茫茫銜此木石來力苦不自量何
補涓與埃口舌均已傷青鳥昨獻規與世期相忘

與世而相忘在我殊不敢閉居緬前哲所慕莊與黷平

生櫻世事又苦知識闇欲獻封禪書將毋近于諂
諂既不可學慙亦不敢居東溟及西洋三萬里有餘一
身周其間力竭敢告劬自非覆冒恩詎返先人廬
維茲先人廬經始已卅閏感此聖善恩頻嚴義方訓童
年粗有識先戒以干進奉此庶畢生敢稍逾尺寸

妖氛昨已殄欣此海宇甯耕鑿率厥常時時詠升平兒
曹能讀書僅令畢六經留此樸魯風長爲聖人垠

河汾伊洛間風氣一何質齊俗愧未能先以訓十室故
人從政久半已遁仙佛獨善良所嘉于人貴求益

波流何迢迢熠燿亦裊裊經天日月星明豈藉腐草所
悲微末質志欲燭昏曉不畏霜霰零衝寒出林杪

頻年筋力強日出逐羣動雖耕東海田時有北闕夢投

荒獲歸骨

恩渥亦云重懷抱尺一書時時隴頭誦

平時苦諷誦服亦窮幽尋源酌其流間憇嘉樹林此
木經卅年綿綿甫成陰乃知造化功生物具苦心

仙人海上來貽我縑數尺蟲書周四角字古不能識緘
藏何敢讀讀卽三歎息中有經世言今人豈能得

汪上舍璨自泰州枉道過訪不值卻寄一首

君居海陵倉我客江瀆祠相隔祇百里聞聲久相思故
人昨復貽新詠聞說薄寒成小病梅花香裏倘復來同

聽茅菴六時磬

講院旁
卽僧寺

二月晦日家太守梧招同族子瑩族孫維德小集梅花
下用少陵示從孫濟韵見投率酬一篇卽用來韵

東風被郊原寒久氣已温冷冷踈梅花宛宛成一村窺
檐兩三株樹古皆蟠根吾家太守賢花下羅盤殮招邀
數宗盟情話逮日昏宗支雖已踈誼則視弟昆同登三
榜中敢云齒末孫吾家歛之西里有通德門峩峩忠宣
公品望自昔尊平章及簽樞畫象今尙存所願子姓賢
遑計泰與屯我頃荷戈來縱談及昆侖冰天雪窖中醴
酪亦雜吞得預合族筵詎非

大造恩興到酒反踈頻頻覆空樽

時久已節飲

閏二月朔日曾同年煥招同人至平山堂探梅歸途值

風雨漫賦一首

夏三齋詩卷第六

十八

今年花信何太遲探梅幾及修禊時寶珠木筆絕消息
風裏未見垂楊絲長春嶺畔花千樹縞袂紅裘出無數
仙人間有萼綠華

時綠梅數樹尤佳

一湖波光飛上花花光炫

處波光暝隔岸山容恍如病花前舉酒不得休花外時
浮一聲磬東風吹香香乍回雨脚似妒花齊開乍開乍
落止一日千點飛入黃金罌花香方濃酒香續消得千
條萬條燭主人愛客客亦豪風雨何嘗敗花局一更初
聞柔櫓聲二更分燈入北城三更濃香袖中起客夢猶
疑帶花底

秋雨巷

溪花紅不然溪水綠無語瞳瞳日影中似有蕭蕭雨竹
聲穿戶水到門三面皆有春人墳春人墳上梅花發烟
露濛濛棲獨鷗

鎮海樓

一樓枕邗溝江水出其右到來東海聲已復走南隴炊
烟十萬攢郭門窗隙下瞰千帆奔樓頭城上紉如鼓風
急三更遞江浦

江口喜遇焦山僧巨超賦贈一首

時巨超將從焦山移
住山陰縣玉笥山方

丈

欣逢一棹入江灣與話春波浩渺間笑我轉成僧退院

時余以性疎懶將
辭揚州梅花講席

羨君真有術移山何妨講席頻南北

更生齋詩卷第六

十九

更擬名區遞往還爲語若耶溪畔客忘機何似白鷗閑

題秋海棠卷子卽贈金秀才學蓮

醉完春酒醉春茶三十才人鬢欲華滿砌海棠雙瘦影

時君已兩次掉此
僅攜一姬寓維揚

傷心人看斷腸花

江左孫郎最少年每吟詩輒問青天

君詩筆絕似吾友
孫君星衍少時

此才只有君堪替合跨茅龍統衆仙

初至梅花書院

橫舍東西竹柏林暫停行笈事披尋二分明月三生夢

萬樹梅花一客吟閱世更須堅晚節傳經先已負初心

枕流漱石吾甯敢且與同堂惜寸陰

史閣部祠

尙餘坏土枕荒汀冢樹蕭蕭戰血腥末路愁呼大丞相
初心思挽小朝廷時危未可無安石事去先驚有隕星
擬把烏金鑄螭魅馬程番與阮懷甯

清明日招同人各攜一壺一碟至艤丹亭小集酒半崔
三景侃以事先去餘十五人並至月午始歸分韻得

闕字

十五地上人十五天上月花初紅欲膩月正圓不缺相
招花下飲佳節興超忽空濛柳絲外水綠鑑毛髮閑汀
三五轉怒草生鬱勃亭亭辛夷花香氣盈十笏盤飧隨
所見各各辦嗟咄無愁觴欲罄門外酒旗揭人生歡會
小半又感存歿黃生景仁久埋玉莊叟寶書二人皆昔時同遊者又歸

更生齋詩卷第六

二十

骨神仙吾嬾學況肯事禪窟餘生益踈懶久已罷干謁
惟餘花月夜往往興孤發客來常不速客去亦倉猝崔
生逃席半瘦影窺林樾追之不能到足滑致顛蹶其餘
凡幾輩杯底任汨沒天空亭月午清響益踈越空明無
障礙醉影自突兀終當跨茅龍矯焉歸玉闕

舟行

一道溪流之字斜阻風阻雨路尤賒桺絲綠入船艙內

爲泊橋頭賣酒家

泊楊家港

小樓三面花光顯分半紅深半紅淺濛濛三日春雨絲
浸得鶉鴝巢半偃沿階細艸三兩叢艸心更比花心紅

一雙燕子乍前卻似怨簾角西南風

過三塔蕩

花光照夜都無隙帆底畧聞香氣息三層簾外軟東風
開到桃花已無力紅窗一扇紗斜破夢裏驚聞紙鳶墮
湖波添得尺五寬胡蝶驕鶩飛不過

抵銀林埧

溪流南北都如箭風急爭飛萬花片愁看上埧巨高瀆
不使中江走陽羨沿溪水瘦湖水肥水影分上征人衣
一帆如龍忽東去劈浪欲上桃花堤

渡小南湖

南湖雖小卅里周水面亦復分三州濤聲忽濺柁樓上

挂席風急知難收舟輕半日穿湖罅雲氣青紅不知夜
鷓鴣方欲飛入雲激電正穿雲脇下

廿一日抵宣城偕凌教授廷堪戴孝廉揚輝暨蔣表姪

德培至城南看桃花值雨

此花綻日征帆開看花直到宣城來泥中處處留鴻爪
花笑征人在家少官河一路春雨絲嫩寒莫厭花開遲
紅紅白白競顏色敬亭山放朝晴時山雲青黃水雲墨
襯得此花成五色看花人憶卅年前花亦嫣然念疇昔
城頭細草已若麻坡底正謝紅山查固知地氣輸不盡
餘力尙放山鷓花雨聲蕭蕭走西街多半春陰壓衣重
幽人過曉尙未醒小閣三層結春夢

蘭石桓太常墓

古戰場邊置古祠，旁荒冢柏參差。猶疑上厠銜刀讖，想見櫻城伏節時。一瓣心香留故治，萬年遺臭付佳兒。孝侯生札克生勁，天道從來未可知。

重至洋川書院

依然林鳥喚春風，三面晴窗落采虹。採藥僮歸青嶂外，著書人老白雲中。東山未肯隨安石，北海憑誰問孔融。衰病漸將忘世事，經旬不更展郵筒。

山居雜詠

白露零有影，白雲流有聲。靜中一相值，倍覺幽興生。我欲過石橋，眺此殘月明。行穿竹柏中，踈鐘已三更。空際飛瀑來，忽向足底橫。

夏三齋詩卷第六

三

一月不出門，驚筍折衣架。偶然窺北牖，竹密已無罅。山中春仲月，氣已若長夏。生徒增日課，所幸仍有暇。意欲校道書，閒從佛樓借。

樓居一何高高出，雲百丈樓前。芳草地一片，綠如掌。搗燈坐深宵，空此一一想。竹梢穿入牖，坐久不獲仰。破曉山鷓鳴，官蛙始停響。

我從居山中，不復闕世事。所苦剥啄聲，郵筒有時至。經旬及逾月，排案已鱗次。預擬欲別山，從頭一披視。案塵僮不拂，聊用一相試。此僮有機心，不遣案旁侍。

